



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Capitularia Regvm Francorvm**

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

54. Gesta.

**urn:nbn:de:hbz:466:1-22974**

jure proprietario quod volueritis, & nullus vobis de omni hereditate mea repudiareret non debat, nec facere possit, stipulatione subnixa.

*Mandatum.*

LIII. Dulcissimo amico meo illo, ego ille. Rogo atque injungo caritate tua ut hias ad vicem meam ad civitatem illam, ad illo defensore & illo professore, vel curia publica ipsius civitatis, & hanc epistolam, qua ego filios meos illos in totius hereditatis meae legitima successione instituire & legitimos filios meos, sicut in ipsius epistola textu continetur, conscribere volui, ea gestis municipalibus, ut mos & lex est, juxta morem & consuetudinem alligare atque firmare facias, ad prosecutionem celebratam. quod tibi rogo mihi rescribere pigrum non graveris stipulatione.

*Hereditaria de hereditate.*

LIV. In nomine Domini. Anno illo Domini nostri illius Regis, mensie illo, gesta habita apud laudabile viro illo defensore & illo professore vel curia publica ipsius civitatis, ille ait. Quæso vobis, optimæ defensor, ut mihi codices publicos patere jubeatis, quia habeo quædam prosecutio que gestorum allegatione cupio roborari. Memorati defensor & ordo curia dixerunt: Patent tibi codices publici, prosequere quæ optas. Ille dixit: Amicus meus ille mihi injunxit per suum mandatum sollemniter roboratum ad laudabilitatem vestram accedere debere, & hanc epistolam, quam ipse, sicut textus declarat, in predictos filios suis illos conscripsit, pro eo quod in bene ingenua femina illa ipsos generavit, & tamen chartolam libelli dotis ei secundum legem non adfirmavit, propterea jam dicti filii secundum legem naturales appellantur, ita antedictus pater eorum ei complacuit ut ipsos secundum legem Romanam in ipsa civitate ante curiam publicam debeat in legitima totius hereditatis sue instituire hereditatem, ita & fecit, dum inprolis, nec legitimos infantes non habuerit, ipsos in legitima hereditate pro legitimis filiis in omnes causas recepit; ut prædicta epistola juxta morem & consuetudinem gestis municipalibus alligari atque firmari debeat. Suprascriptus defensor una cum suis curialibus vel subscriptionibus instituerunt vel inobdierunt sub signaculis. Et hæc gesta quomodo est conscripta, manu eorum roborta, ei visi fuimus tradidisse, stipulatione subnixa. Actum.

Tom. II.

*Epistola.*

L V. Magnifico amico meo illo, ego ille. Cognoscas juxta injunctionem tuam, ut per tuum mandatum mihi rogasti, ad illa civitatem ad illo defensore vel curia publica ipsius civitatis me accessisse, & hanc chartolam, qua infantes tuos, quod natürales sunt, in legitima hereditate secundum legem instituisti, sicut in ipsa chartolam de rebus quam & de ipsa munera ad ipsius infantes continetur, gestis municipalibus juxta morem & consuetudinem allegasse atque firmasse cognoscas, & de perfectione celebrata, quod mihi rogasti, rescribere vel prosequere mihi pigrum non fuit. stipulatione subnixa.

*Gesta manumissionis.*

L VI. Quod secundum legem Romanam actum est nullatenus revocetur. Itaque sub die illo, anno illo regni Domini nostri illius Regis, Indictione illa, vir venerabilis ille Diaconus testatur eis quia stabili sub scripturis manumittere in Ecclesia illa vindictaque liberare famulo illo suo nomen illo bene sibi merito secundum constitutionem bonæ memorie Constantini legis, qua fixum est ut omnes qui sub oculis Episcoporum, Presbyterorum, seu Diaconorum in Ecclesia manumittuntur, ad civitatem pertineat, & ab Ecclesia defensetur, & vult eum juxta consuetudinem, cuius commemoratione \* subprærida est, ad civitatem pertinere Romanam, ea <sup>\* Lindena*lrog. supra.*</sup> tamen conditione ut eat ubique, quam vohuerit partem perget, tanquam si ab ingenui parentibus fuisset natus vel procreatus, & nulli heredum ac proheredum meorum minimè quicquam debeat servitutis, nec libertutatis gratiam, nec patronatus obsequium, sed, sicut dixi, sub integra & legitima ingenuitate debeat permanere ingenuus atque securus, & semper ad civitatem debeat pertinere Romanam, testamentum etiam faciendi liberam in omnibus habeat potestatem. Si quis verò.

*Traditoria.*

L VII. Notitia traditionalis, qualiter vel quibus praesentibus venit homo aliquis nomine ille ad illo manu, quem ante hos dies per chartolam venditionis ad filium suum adfirmavit, per ..... vius fuit tradidisse vel consignasse, & exitum inde fecisse. His praesentibus.

*Obnoxiationis.*

L VIII. Domino meo semper, ego enim ille. Dum non est incognitum quali-

G g